



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

Conciliabvlym Pisanvm Oecvmenicvm, Et Reprobavm, contra Iulium papam indictum & congregatum anno Domini MDXI. tempore ipsius Iulii papae & Maximiliani imperatoris.

urn:nbn:de:hbz:466:1-15644

bro 4. chronologiæ ista refert. *Concilium Gallicanum Turonense omnium episcoporum Gallia, & plurimorum doctorum tam theologia quam iuris canonici, pro rege Francia contra pontificem Romanum. In quo decretum est, vt mitterentur ad pontificem legati, qui cum eo de pace agerent; vel, si ipsos nollet audire, eum prouocarent ad conuocandum generale Concilium.* Hæc ex chronic. Franc. Eiusdem Conciliabuli mentio habetur in mandato Maximiliani imperatoris, quod recitatur infra in actis Lateranensis Concilii sessione 3.



ANNO
 CHRISTI
 1511.

**CONCILIABVLVM PISANVM
 OECVMENICVM, ET REPROBATVM,**
 contra Iulium papam indictum & congregatum anno
 Domini M D XI. tempore ipsius Iulii papæ & Maximilianii imperatoris.

NOTA.

^a *Conciliabulum.*] Cum Iulius pontifex iurato promississet, se infra biennium suæ ordinationis vniuersale Concilium celebraturum, illudque iuste praestitisset, Bernardinus Caruaial, Guilielmus Brissonet, Rénatus de Pria, Fridericus de sancto Seuerino, (vt constat ex sessione tertia Concilii Lateranensis) aliique cardinales hæretici & schismatici, *conuenientes vt locusta*, inquit Iulius papa in bulla indictionis Concilii Lateranensis, quæ extat sessione 1. *acephali aggressi sunt sine Romani pontificis auctoritate œcumenicum generale atque vniuersale Concilium conuocare, locum Concilii & tempus indicere, & valus ecclesiarum, ac aliis publicis locis indictionem huiusmodi affigere, nosque ac venerabiles fratres nostros eiusdem sanctæ Romane ecclesie cardinales vocare & requirere, vt per nos vel alios ad huiusmodi eorum Concilium accedere vellemus, non formidarunt.* Ne vero hæc iniuste & per tyrannidem agere viderentur, *asserebant*, subiungens ibidem ait Iulius papa, *decennium post vltimum vniuersale Concilium contra constitutionem Constantiensis Concilii iam dudum effluxisse, & nos illud conuocare neglexisse, maxime cum iurauissemus & voluissemus illud post biennium a creatione nostra tenere, tempusque pro homine interpellare, neque credendum fore nostra auctoritate & voluntate Concilium futurum.* Et cum de grauibus criminibus notoriis durantibus vniuersalem ecclesiam scandalizantibus in capite agendum foret, ad summum pontificem Concilii congregationem non attrinere, sed secundo loco ad cardinales qui pontifici in negligentia non adhaeserunt, conuocationem Concilii spectare. Hæc de causa indicti Conciliabuli Iulius papa in bulla 3 addens eosdem ad tegendam facti sui turpitudinem, omnia mandata sua sub nomine Maximiliani imperatoris & Ludouici regis Francorum promulgasse, ipsis vero regi & imperatori nihil hac de re constituisse. Præter ea quæ de citatis pontifice & cardinalibus quibusdam supra diximus, ad acta
Concil. Tom. 34.

acta Conciliabuli.

Conciliabulum a schismaticis cardinalibus indictum.

Contra Iulium pontificem cur indixerint.

Maximiliano imperatore inficio pontifex vocatus.

Conciliabuli spectare videntur, quæ Surius anno 1511. enarrat his verbis: Porro cum ea temeritas ad horrendum schisma spectare videretur, Iulius pontifex datis ad eos literis monuit perbenigne, ut ad pacem & unitatem ecclesie se reciperent: alioquin fore, ut & linuitus in ipsos animaduerneret. Ea admonitio tres cardinales permouit, ut cum pontifice in gratiam redire maturarent; quos pontifex liberaliter & clementer accepit: in alios, cum nolent ad sanitatem redire, grauem sane tulit sententiam, qua illorum audacia nonnihil contusa est. Sed tamen cum regis Gallorum fruerentur patrocínio, in sententia permanserunt. Monitus Gallus a pontifice, uti ne eos foueret diutius, non magnopere curauit. Itaque a pontifice excommunicatus est. Non longe aberat ab hac factiōe Maximilianus Casar, grauiter commotus in pontificem, quod non bona fide a se recessisset, & cum Venetis fœdus percussisset: sed vir grauis & prudens admonitus a bonis viris, sese collegit, & celeriter ab hac temeritate discessit. Hæc Surius. Eadem summatim Onuphrius in vita Iulii his verbis: Galli successu rerum elati, Casare & cardinalibus qui a pontifice desciuerant, auctoribus, pontificem ad Concilium, quod ad Kalendas Septembris Pisis futurum esset, citant. Papa cum omnem operam dedisset, ut recepta Bononia, Pisanoque Concilio dimisso, pacem cum Francorum rege faceret, illumque victoriam insolentem & obstinatissime recusantem animaduertisset, quo Pisanum Conciliabulum tolleret, Antonii de Monte consilio Roma Laterani Concilium generale indixit, &c. Onuphrius. Hac pseudosynodo in vniuerso regno Franciæ decimarum impositiones factas esse indicat Iulius papa in bulla 3. sessionis Concilii Lateranensis.

Locus Conciliabuli.

De loco Conciliabuli ista Surius: *Conuenerunt aliquot episcopi ex Gallis & Insubribus. Primo Pisis, ubi cum parum tuti sibi viderentur, inde abiere Mediolanum. Verum nec ibi satis suis rebus fidentes, Lugdunum sese transtulerunt, ubi etiam aliquot sessiones habita sunt.* Eadem expressis verbis continetur in prædicta bulla sessionis tertiæ. Onuphrius in Iulio ait, Florentinos in Concilio Lateranensi damnatos esse ideo, quod Concilio locum Pisis concessissent. Reprobatum esse conuentum schismaticorum, testantur acta Concilii Lateranensis sessione secunda & tertia; nec non bulla indictionis Iulii papæ, qua cum omnia quæ a schismaticis sibi obiiciebantur, falsa vel male accepta esse euidenter demonstrasset, simul etiam ostendit omnia acta huius Conciliabuli ipso iure nulla, adeoque merito reprobata esse. Primum, quod folius pontificis Romani sit generalia Concilia indicere. Secundo, quod trimestre tempus ad comparandum præfixum non fuerit satis longum. Tertio, quod Pisana ciuitas quatuordecim prope annorum bellis exhausta, non satis aptum vniuersalis Concilii congregandi locum præbere potuerit. Quarto denique, quod ipse verum & vniuersale Concilium apud Lateranum in vrbe habendum de fratrum suorum consilio & assensu conuocauerit. Videant igitur fautores schismaticorum, qua ratione hunc conuentum malignantium defendant, atque pontificem omni plane culpa hac in re carentem incusent.

Auctor
appendicis
ad Gag. taxatur.